

مُشَاطِقَاتُ

۱۳۲۶

محل اقامه :
در سعادتده باب عالی جاده سنده
اداره مخصوصه

انتظار :

مسکونه موافق آثار جدید مع المنوبه
قبول اولتور
درج بدلهین آثار اعاده اولتور

دین ، فلسفه ، ادبیات ، حقوق و علوم دین باحث هفته لقا رساله در

مؤسسه لری : ابوالاعلا زین العابدین - ح . اشرف ادیب

تاریخ تاسیسی :
۱۱ نمبر ۳۲۴

سنه لکی	القی آیانی	درسه دنده
۶۰	۲۰	درسه دنده
۸۰	۴۰	ولایانده
۸۰	۴۰	مملک اجنبیه ده

در سعادتده نسخه بی ۵۰ پاره در

قیرلادن مقوا بورو ایله کوندریلیرسه سنوی
۲۰ فروش فضله آلنیر

در سعادتده پوسته ایله کوندریلیرسه ولایات بدلی اخذ اولتور.

ایکنجی جلد

۱۴ جمادی الاول ۱۲۷۷ پنجشنبه ۲۱ مایس ۱۳۲۵

عدد : ۳۹

عالمده درلودرلو رنك وشكلنرله روزمره تجلی ایدن حوادث ووقائكم
هربرنده حكمت بالغه واردر : منیع الوهیتدن منافی حكمت ومصلحت
هیچ برشی صادر اولماز .. ادراك بشر حقائق افعال زبویته پرواز
ایدهمدیكندن عجزه عباد بمض احوالده دوجار وله وحیرت اولور ..
یامستمان ! علمك هرشیئی محیط، لطف وكرمك هرشیئه واسعدر ..

خدا در خداوند ارض وسما مسخردر اسرینه زیر وغلا
ید قدرتیله یالیش جهان برنمش بدایعه کون ومكان
معدان، نباتات، ذیروحدر نیجه بیک رموزه دلالت ایدر
جهانده مشعشعدر آهنگ تام تناسب، توازن، کمال نظام
شوحالات وآهنگ حیرت فزا تفکرله سیره دكلی سزا
نکهدار عالم جناب حکیم مدبر مراحل رب کریم
خدادن ایدر لطف واحسان صدور خدادن ایدر عدل وحکمت ظهور
فقط ایلدکجه دمامد نگاه تصاریف و اوضاع. ازمانه آم
پیا پی هجوم اینر انسانه غم وهملر کلور خاطر وعقله هم
ایدركن امید کرم بالعکس ستمیده به بخت اولور برعکس
آلهی نه دیدم تأثرله بن خطا ایلدم بر تحیرله بن
سنك حکمتك درك ایتك محال فضای علاده خرد بی محال
نه عالی کلامدرکه محنت کشان بومعنایی ایتمش شویولده بیان
« نه ممکن که بیلسون محیطی محاط دکلدر آنك کاری عقله مناط »
دکل ایدی حاشا شکایت مراد عیاندر سکا هپ مال وهفاد
عنایت قیل ای چاره ساز کریم بنی صدی زیرا شو دار الیم

بقی سی وار برکت زاده : اسماعیل مفی

هامش — کچن نسخهده [بیچارکان]، [کال بک]، [صکره]
کله لری سهواً [بیچاره کان]، [کال]، [صوکره] دیه ترتیب ایدلمش
اولدیغندن مع الاعتذار تصحیح اولور .

مدبر فکر

الحادك حضور علمده کی موقعی

مثال اوله رق کندیگری آلکیز : برایش ایشلیه جککیز زمان
نه کی حالاته مظهر اولدیغیزی تأمل ایدیکز نه کوره جککیز ؟ شونی
کوره جککیز که اللریکیز که کوزلریکیز که آیقلرکیز که بوتون عضلاتکیز که
قواسیله حجرات دماغیه کیز، الحاصل بوتون وجودیکیز اوایشک مطلوب
وجهله ایفاسی ایچون براتحاد، بر آهنگ تام ایله مشغول بولونیور .
مثلا اللریکیز که صرف ایتکده اولدینی قوت ایله کوزلریکیز که
آره سنده بر تعاکسک، كذلك دیگر وظائفی اولان اعضا میاننده بر
تخالفک موجودیتی حس ایده مزسکیز . بناء علیه بواعضای مختلفه نك
قواسی حد ذاتنده مستقل اولیوب مجموعی بردن سزده موجود اولان

اوطه ده اوکیجه مواقع مختلفه دن کلمش ضابطلر واردی . هر برینی یاتمق
اوزره بریره کوندردی . بزیا لکیز قالدق . مشیر پاشایی ده کوره میه .
جکمی یم دیدم . بر آه ایدرك او چوقدن کتدی .. نونه لان وطنی
قیروب ازیورلر .. دیدی . بونك اوزرینه اوته بری قونشدق . حال
وقالندن اسمیله مسمی کریم الصفات بر ذات اولدینی اکلاشیله یورایدی .
یتاغنی اوکیجه بکا تخصیص ایدوب کندی مندر اوزرنده یاتدی .

ایرتسی کونی بر ضابطه ترفیقاً حبسه خانه عمومی به کوندردیم .
سلطان احمد میداننه ناظر اولان دائره ده ایکی ساعت قدر مکث
وآرامدن صکره دیگر بر ضابط کلوب بنی ایچروده پارمقلق ایچنده
محبوسلرک کوندوزلری کزینتی محلی اولان میدانلغک ایچرویه کیرر
ایکن صول طرفده کی منتهاسنه تصادف ایدن بر اوطیه کوتوردی که
بوراسنك بر غاردیان اوطیه سی اولدینی صکره اکلادم . « بوافندی
بورایه مسافردر ، کیسه ایله اختلاط ایتدیر میه جککیز » دیه تنیه
ایتدی . غاردیانه قیوی اوزریمه کلیدله یوب کتدکن بر مدت صکره
تکرار کلدی، اوستمی باشمی آرادی . امید ایتدیکی برشی بوله مینجه
پاره چانطه می آلوب کوتوردی . متعاقباً عودتله چانطه بی بکا اعاده
ایدوب ینه قیوی کلیدله رک کتدی .

مقسی، طاوانی باصیق، طبانی طوپراق، ایچنده ایکی تحت کرموت
موضوع اولان بوتکنکای اضطرارده یالکیز باشمه قالدیم . عاقبتی مجهول
اولان بویله بر معامله یه سبب ندر .. دیه تفکر اته طالدم . عجابرمدتجک
اره صره عبرت غزته سنه دوام ایتمکلکم می سبب اولدی .. سبب بو
ایسه دها موقوفین واردیمک .. پکی . بوحالک نتیجه سی نه اوله جق ..
صکره بردنبره کندی طوپلادم . مسافر معززی اولدیغیم بوخلوتکاهک
میدانه ناظر اوفاق پنجره سندن محبوسلری تماشا یه باشلادم : بر طاقی
برمسیره ده کزینیورمش کی ایشسز کوچسز آهسته آهسته طولاشیور؛
بعضیلری کویامسته عجل برایش ایچون صیقی صیقی به بریره کیدیورمش
کی بر طرفه باقنیه رقی لایتقطع میدانک براوجندن او بر اوجنه سکر دیور؛
بر قسمی ده کنندینه برایش بولمش، انکله مشغول . طولاشانلردن
بعضیلری اره صره بنم بولندیغیم پنجره نك اوکنده ایرکیلوب بنی باشند
اشاغی کوزدن سوزیور، بر طاقی ده بکا باقدقندن صکره عارسز عارسز
کولوشه رک چکیلوب کیدیورلرایدی . بونلری اقشامه یقین اتمکلیری
توزیع اولنمسی متعاقب قفوشلرینه صوقدیلر . دیرکن میدانک ایچنده
شانفور شولفور .. بر زنجیر سسی در قویدی . باقدم، پراغده لیلر
چیقمشلر . بونلرده براز طولاشوب نفس الدیلر . صکره بونلری ده
اوتکیلر کی یرلینه طیقدیلر . اقشام اولدی، میداندن اوهای وهوی
شمانه کسلیدی، اوزرینه بر ظلمت چوگدی .

حال وموقعك دهشت ووحشتی، وقت غروبك منظره حزن
آوری، شمیدی کندی وقیله اسملرینی بیله بیک استعاذه ایله یاد
ایلدیکمز قاتلر پراغده لیلر ایچنده کوروشم بنده حزن حزن خاطرملر
اویاندیردی . درین درین مطالعتم شورالره قدر منتهی اولدی : بوکارگاه

برقوة رئيسه نك مظاهر مختلفه سيدركه اوقوت ده سرك قوه حياتيه عموميه كز دن عبارتدر .

ايسته بومثال محسوساتدن اولديني ايجون مكابريه محل يوقدر . اويله ايسه برار طورده ماديونك بوقوه عموميه مسئله سني نه صورتله تلقى ايتكده اولدقارينه باقم . چونكه بوموضوعده عقد اشكال يكانه اومسئله در :

ماديون « بوقوت غير مستقندر ، لكن ماده نك صفاتي جهلستندن بريدن : « ديرلر : بوسوزلريله شوني مراد ايدرلر كه عالم خلقتده بصيرت وتدبردن محروم برقوت ايله متنع اولان ينه بصيرت وتدبردن محروم برماده دن باشقه برشي يوقدر ، و اوقوتك اوماده دن مستقل اولمبي قطعياً غير قابلدر .

ماديون بوباطل نظريه لريله عالم روحاني بالكلية انكاره يول آچهرق محسوس اولان بوعالم مظلم قانیدن باشقه هيچ برعالم يوقدر . زعمنده بولونيورلر . اكر ماديونه ، برجرم حقير اولمغه برابر حى ومدرك وحكيم اولان انسانى كورديككز حالده نصل اوليورده اوقوتك نصيبه دار اولديني حكمت وادراكي انكار ايديورسكز ؟ بوتون بوكائات مياننده حيات ، ادراك ، حكمت صفتلرندن نصيبى اولان يالكز انسانيدر ؟ اكر انسان بوادراك وحياتي منبع الكل اولان حيات عموميه مدركه دن اقتباس ايمه مش اسه نرمدن بولمشدر ؟ طرزنده سؤاللر ايراد ايدمك اولورسه كز اويله عجيب جوابلر آليرسكز كه انحق مجنونلردن صادر اوله بيلير .

دوقتور هرمان شفلر ديركه : « روح قواى ماده دن برى اولوب طوغريدن طوغريه اعصابدن تولد ايدن برقوتدن باشقه برشي دكلدر . « ويرخووه كوره : « حيات برنوع ماكنه دن باشقه برشي دكلدر . « بوختر ايسه : « انسان ماده نك تيجهلستندن عبارت اولوب اويله اخلاقونك توصيف ايتدكاري كى بر مخلوق دكلدر . وهيچ برخاصه ممتازه سى يوقدر . « دير . دو بوواريمنون : « هر عصبه بر جاذبه مقناطيسيه واردر . فكر ايسه ماده نك حركتندن عبارتدر . « مطالعه سنده بولونيور . دها باشقه لري : « روحك خواصى ماده دماغيه نك وظائفندن باشقه برشي دكلدر . بوبركلره نسبتله بول نه ايسه دماغه نسبتله خواص روح ده اودر . انسانك كندى موجوديتنى حس ايتمى اعصابده تموجات مقناطيسيه ايله مرتبط و دماغ واسطه سيله مدرك اولان حرركات ماديه سايه سنده در . « ديرلر .

نباتيوندن روتروشي ايله فسيولوجى علماسندن بيشه دها ايلري كيدرك ظن ايتديلر كه : « حيات اصول طبيعت عدادندن بر اصل اوليوب ماده نك قواعد عموميه سى خلافة اوله رق بر حال استثنائى و قوانين طبيعى كيميويه نك موقت بر معطيتيدر . فقط بوقوانين كيميويه بو حال استثنائى به [حياته] الى نهايه مغلوب اولمق ايسته مديكندن اونى اصلنه [ماتة] ارجاع ايدر . بناء عليه حقيقتده مات بر حالت عرضيه و استثنائيه اولان حيات اوزرينه بصيرت وادراكدن محروم بولنان ماده نك قوانينك غلبه چالمسيدر . «

يوقاريدن برى نقل ايتديكمز شو سوزلري برار تامل ايدن ذات . ولو علمدن هيچ نصيبى اولسه بيله . بونلرك علم حقنده بر بهتان عظيم ، معلومات عصريه قارشى بر ظلم اليم اولديغه و هله حكم ايدر . زيرا علم بلا دليل ولا برهان هيچ بر شيئى انكار ايتك ، بر اشكالى اوندن دها مهم بر اشكال ايله حله قالكيشمق دركه لرندن كليا عاليدر . مع مافيه بز بوسوزلري ميداني معارضدن خلى بولديغمز ايجون سويليورز ، ظن اولمسون ، چونكه بز بو آدمرك طوغريدن طوغريه كندى يانلرنده ده رفع صوت ايتمكن قطعياً چكينلردن دكلز . زيرا اونلر بوا دعالريله برابر سوزلرينك تصورات خياليه دائرستندن برقارشى ايلري كچه ميه جكنى . بوندن مقصدلري ايسه معانده و استكباردن باشقه برشي اولمدينى هر كس كى كنديلري ده بيليرلر . يارسده انتشار ايدن مجموعه طبيه ده كونك برنده شو جهل كورلمش ايدى : « فكر حمض فوسفورك امتزاج و اتحادينه بكرز بر اتحاددن باشقه برشي دكلدر . تفكر ايسه مخك تركينده بولنان فوسوردن متولددر بناء عليه فضيلت ، اخلاص ، شجاعت كى خصائل تموجات مقناطيسيه عضويه دن عبارتدر . « بونك اوزرينه قامل فلاماريون ديدى كه :

« اى محرين حضراتى ! بو حقيقتى سزه كيم خبر ويردى ؟ خلق بو هذيانلري سزه معلملريكز اوكره تيور ، ظننده بولونيور . حال بوكه حقيقت بونك بوسوتون خلافة در . چونكه بوكى ادعالم نظر علمده هيچ اندر هيچدر . بونكله برابر بن شو ايكي شقندن هاتيكسك دها شايان استغراب اولدينى تعيين خصوصنده مترددم : علمه طرفدارلق كوسترن بو آدمرك جرأته مى ، يوقسه دعوالرنده كى سخافته مى ؟

نوتون بوكى مسائله « بكا اويله كايوركه ... » ديردى . كپرايسه « بوفر ضيائده كى مطالعه كز ... » يولنده اداره كلام ايدردي . لكن بونلر « بز اثبات ايديورز » « بز انكار ايديورز » « بو واردر » « بو يوتدر » « علم بويله حكم ايديور » « علم بويله اقرار ايديور ، بويله رد ايديور » دييورلر . حال بوكه سويلدكاري سوزلرده برهان علمينك كولكسى بيله يوق ! بلكه بونلر ضلاللرندن طولاي علمه بويله بر وبال ثقيل يوكلتميه جرأتياب اوليورلر .

اى ذوات كرام ! اكر علم بو هذيانلريكزى ايشتمش اولسه يدى - ايشتمى ايجاب ايدر ، چونكه سز انسانى علمدن اولدينگزى سويليورسكز - سرك بو غفلتكزه قارشى حقلى اوله رق برزهر خند استهزا صاووروردى . سز علم اثبات ايديور ، علم نفى ايديور ، علم امر ايديور ، علم نهى ايديور ، دييورسكز . بو يولده كى عزوياتكزله . حد ذاتنده متواضع اولان علمك لسانندن سويلديككز بوكى بويوك بويوك سوزلريكزله زوالينك قبنه كبر وغرور القاسنه چاليشيورسكز . خاير افديلر ، ايش اويله دكل . علم بوكى مسائله نه برشي انكار ايدر نه ده اثبات ايدر . اونك وظيفه سى تحريدن عبارتدر . سز ايسه بورالرينى بيلمز دكلسكز . يالكز شوني ده بيلمليسكز كه بو كى سوزلريكز جاهللى آلدادر ؛ سرك تبع ايتديكمز مباحثى تعقيه

تواضع ایله توقفدن عبارتدر. زیرا تجربه بزه کوستریورکه بوکونکی مشکل یارین بدیهیات عدادینه کچور : نته کیم قرون ماضیهده کی مسائل غامضه اعصار حاضرده حقائق سطحیه صره سنه کچمشدر . هله بز شونی بردرلو حوصله تصوریمزه صیغدیرمیورز : نصل اولورکه برعالم کندیسنک حقائق مجهول برعلمان سرائر ایچنده بولندیغنی ، ماهیاتی تخمین برصورتده اکلا دیغنی شیلرک ایسه نظر تدبیرندن مستور قالان اسراره نسبتله قطره بیه اوله میه جغنی بیلدیکی حالده قالقارده فطرت بشره تماس اعتباریه اک دقیق ، اک رقیق بولنان برنقطهیه قارشی بویه ظالمانه حکمر ویره که جراتیاب اولور ؟ نصل اولورکه کندیسنک بروادیده . حقیقتک ایسه بوسبتون باشقه بروادیده بولندیغندن خبردار اولقله برابر مدعاسنی اوزون اوزادییه برطاقم فرضیات وطنیات ایله تأییده قالقیشیر ؟

محمد فرید وجدی

محمد عاکف

مَوْلِیُّ الْعِظَمَاءِ

محرری
مناسرتلی اسماعیل حق
ح . اشرف ادیب
۵۹ درس — ۸ مایس ۲۲۵

اعوذ بالله من الشیطان الرجیم . بسم الله الرحمن الرحیم
« انا انزلنا الیک الکتاب بالحق لتحکم بین الناس بما یریک الله ولا تکن للخاصین خصیماً . واستغفر الله ان الله کان غفوراً رحیماً . ولا تجادل عن الذین ینتخون انفسهم ان الله لا یحب من کان خواناً ایماً . یرتخفون من الناس ولا یرتخفون من الله وهو هم اذ یدیتون مالا یرضی من النول وکان الله بما یمملون محیطاً » صدق الله العظیم .

« انا انزلنا الیک الکتاب بالحق » حبیم احمد ، رسولم یا محمد ابن عظیم الشان عظمت الهیهله سکا کتاب کریمی ، فرقان حکیمی حقله انزال ایتدم . یعنی حقایقی ، عدالتی حاوی اولورق . محض حکمت ، عین مصلحت ، عالم انسانیتهجه ، دنیا و آخرتجه ، باعث سلامت وسعادت اولق اوزره فرقان حکیمی سکا کوندردم .

نیچون ، بیلیرسک یا ؟ « لتحکم بین الناس » حبیم سن ، حکم ایدمسک . ناس آراسنده ، امتک حقنده منازعه لر اولونجه ، آرادم اختلاف لر ظهور ایدنجه ، حضورکه دعوالر عرض اولونجه بینلرنده حکم ایلیمسک . نه ایله ؟ « بما یریک الله » الله « جل شانہ » سکا نصل تعریف ایتدیسه : بیان بیوردیسه . وحی الهی اولورق هر نه صورتله ارائه طریق ایدیلیمش سه اواصول اوزره ، دلائل شرعیه

سزک قدر اقتداری اولیانلری ضلاله دوشورور . کذلک شونی ده اکلاملیسکزکه کسوه علمه بورون بر آدمک امین اولمسی یعنی امانت علمه خیانتله اونوی برطاقم اوهام وخیالات ایله قاریشدر مامسی لازمدیر . بوندن باشقه سرد ایده جکی دعاوی بی متواضعانه مدافعه ایتمسی ایجاب ایدر .

ایشته فلامار یونک سوزلری غلغک بوکبی مفاسددن کلیاً بری اولوب یوقاریده ادعاری سرد ایدیلن آدمک ایسه علمه قارشی شیع بر صورتده بهتان ایلدکرینی ، علمک لسانندن عقولک نفرتی موجب برطاقم مفتریات اشاعه ایتدکرینی علناً کوستریور . بوندن طولانی کندیلری حسیض محقریتده قالیدیر . فکرلرنده کی سخافتی ، حقائق ساطعه یی انکار ، محسوسات و مشهوداتی تکذیب درجه لرینه وارد یردقلری جسارتی کورنلر مدهوش اولورق آرتق بونلردن اوزاقلاشدیلر .

علمای طبیعتدن انکایز میلین ادوارد دیورکه : « علی الدوام تکرر ایتمکه اولان بو قدر مشاهدات ناطقه میدانده طوروب طورورکن ، بو قدر عجائب خلقتک تصادفدن متولد ، یاخود تعبیر آخرله ماده نیک خواص عمومیه سی نتیجه سی اولدیغنی ، اخشاب واججارک ماده سنی تکوین ایدن طبیعت نه ایسه اوته کیلرکده هب بونک اثری بولندیغنی ادعا ایدنلرک وجودینی کوردکجه انسان حیرت ایچنده قلامق قابل دکادر . کذلک انسانده موجود قوه مدرکک اک عالی اولان براترینکده قرینج لرده کی حس طبیعی کی — صویک انجمادی ، کورک احتراقی ، اجسامک سقوطی و بوکامائل جاذباتی اتمام ایدن — حکمی ، کیمیوی برطاقم قوتلری نتیجه عملی اولدیغنی ادعای او قیلندیر . علم تجربی نامی التنده ستر ایدمک ایستینیلن بو فرضیات باطله ، ده طوغروسی بوضالات عقلیه علم صحیح طرفدن صورت قطعه ده رد اولمشدر . علم طبیعی ایله اوغراشان هیچ بر عالم یوقدرکه بونلره قائل اولسون . انسان اک اوافق حشراتدن بریسنک یواسنی معاینه ایدمک اولورسه بوتون مخلوقات کی کندی اقوات یومیلرینی استیخلاص ایچون اعمال روزمره لرینه سوق ایتمکه اولان صدای غایت الهیهک سامعه وجدانه کمال وضوح ایله چاریدیغنی حس ایدر . »

شمدی بزم بوملحدین حقنده ایکی مطالعه من اوله بیلیر : یا بونلر صانع مطلق ، روحی ، ابدی عن صمیم القلب انکار ایدیورلر . یاخود کندیلرینک عوامک قطعاً یتیشهمیه جکی ، خواصندن ده پک آز کیمسه لک یوکسله بیه جکی براوج بالاترین استنادده بولندقلرینی اکلاتمق ایچون بویه بوتون بشریتک مفطور اولدیغنی بر فطرته (عقیده توحیده) مخالفته بولونیورلرده حقیقه قارشی مکابره ایدیورلر . اگر ایکنجی مطالعه من مصیب ایسه کندیلرینه قارشی مدافعه ده بولونمزمه هیچ احتیاج یوقدر . یوق ، طوغرو اولان اولکی تخمین ایسه او حالده بونلرک کسوه علمه بورونملری ، مقتضاسنه توفیق حرکت ایتدکری برنامی فضولی یره طاقملری جائز دکادر . چونکه علمک ، عالمک وظیفه سی تدقیق و تحریدن ، حقائق مجهولهک حضورنده کمال